



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0026320 24

Datum: 25.12.2024. godine

Sudu Bosne i Hercegovine
Sudiji za prethodno saslušanje

Na osnovu člana 35. stav 2. tačka i), člana 226. stav 1. i člana 227. stav 1. Zakona o krivičnom postupku Bosne i Hercegovine (ZKP BiH) podižem

Optužnicu

Protiv:

- **Stevanović Radinko** zv. „Raco“, rođen 1972. u Loznici – Republika Srbija, državljani BiH i Republike Srbije.

Što je:

U periodu od 31.05.1992. godine do 25.06.1992. godine na području općine Zvornik, za vrijeme rata u Bosni i Hercegovini i u vrijeme oružanog sukoba između Vojske Republike Srpske (VRS) i Armije Republike Bosne i Hercegovine (Armija R BiH) na području općine Zvornik, te u vrijeme širokog i sistematičnog napada vojnih, paravojnih i policijskih snaga tzv. Srpske republike BiH, a potom Republike Srpske, usmjerenog protiv civilnog muslimanskog stanovništva općine Zvornik, a koji napad je trajao od 08.04.1992. godine pa najmanje do kraja augusta 1992. godine, znajući i za oružani sukob, ali i za širok i sistematičan napad te da njegove radnje čine dio tog napada, pa je tako:

- Dana 08.06. i 09.06.1992. godine na području Pilice i na tzv. Gerinoj klaonici u Karakaju - općina Zvornik, **Stevanović Radinko** zv. „Raco“ u svojstvu pripadnika III. bataljona Zvorničke brigade VRS, zajedno sa Drašković Miodragom zv. „Zuzi“ i „Mušica“ (optužen optužnicom br. T20 0 KTRZ 0024900 23) i Todorović Miladinom zv. Đelat (preminuo) u svojstvu vojnih policajaca čete vojne policije Zvorničke brigade VRS, Ivanić Miladinom (optužen optužnicom br. T20 0 KTRZ 0024900 23) i Stojanović Cvjetkom zv. „Ćećo“ (optužen optužnicom br. T20 0 KTRZ 0024900 23) u svojstvu pripadnika III. bataljona Zvorničke brigade VRS,

postupao suprotno pravilima međunarodnog humanitarnog prava, i to kršeći odredbe zajedničkog člana 3. stav 1. tačka a) Ženevskih konvencija od 12.08.1949. godine, člana 147. Ženevske konvencije o zaštiti civilnih lica za vrijeme rata od 12.08.1949. godine kao i odredbi Dopunskog protokola II uz Ženevske konvencije i to člana 4. i stav 2. tačka a), tako što je svjesno i voljno učestvovao u ubistvu između 400 i 500 zatvorenih muslimanskih civila,

na način da su **Stevanović Radinko** zv. „Raco“, Ivanić Miladin, Stojanović Cvjetko zv. „Ćečo“ i drugi pripadnici III. bataljona Zvorničke brigade VRS u periodu od 05.06.1992. godine do 08.06.1992. godine, čuvali zatvorenim oko 400 - 500 muslimanskih civila u kino sali Doma kulture u Pilici, a zatim su tokom 08.06. i 09.06.1992. godine vojni policajac Todorović Miladin zv. Đelat, zajedno sa drugim vojnim policajcima, a među njima i Drašković Miodrag zv. „Zuzi“ i „Mušica“, naredio ovim zatvorenim muslimanskim civilima da izlaze pojedinačno iz sale Doma kulture u Pilici i da se penju na dovezene kamione, a kada su neki od muslimanskih civila pokušali da pobjegnu, spriječili su ih u tome te su ih tukli kundacima pušaka i vratili u red za penjanje na kamion pri čemu je Todorović Miladin zv. Đelat nožem ubadao one koji bi pokušali da izbjegnu penjanje na kamione, te su tokom 08.06. i 09.06.1992. godine u četiri ture prevezli zatvorene muslimanske civile na kamionima od Doma kulture u Pilici do tzv. Gerine klaonice u Karakaju, a vozač kamiona je bio i Stojanović Cvjetko zv. „Ćečo“, a kako muslimanski civili ne bi pobjegli iz kamiona, u pratnji na tim kamionima ili u kombiju „Enikon“ iza kamiona koji je vozio Ivanić Miladin, bili su **Stevanović Radinko** zv. „Raco“ naoružan puškomitraljezom, Drašković Miodrag zv. „Zuzi“ i „Mušica“, Todorović Miladin zv. Đelat, kao i drugi vojnici, te kada su muslimanske civile u turama dovezli ispred tzv. Gerine klaonice u Karakaju, u krug Gerine klaonice su na rikverc uvozili kamione, a zatim su **Stevanović Radinko** zv. „Raco“ iz puškomitraljeza, a Drašković Miodrag zv. „Zuzi“ i „Mušica“, Todorović Miladin zv. Đelat, Ivanić Miladin i drugi vojnici iz automatskog oružja pucnjevima ubijali muslimanske civile i to tako da su zajedno neke muslimanske zatvorenike istjerali sa kamiona i uveli unutar prostorija Gerine klaonice gdje su ih ubili, a neke su ubili ispred prostorija Gerine klaonice, a one koji nisu htjeli da siđu sa kamiona ubili su na kamionima u krugu Gerine klaonice, a među ubijenim su bili i [REDACTED]

[REDACTED] kao i preostalih između 400 i 500 muslimanskih civila, te su ova ubistva preživjeli [REDACTED], te su na ovaj način ubili između 400 i 500 muslimanskih civila, čija tijela su tokom i neposredno nakon ubistava pregledali i identifikovali članovi Komisije za asanaciju bojišta te izvršili asanaciju terena i sahranili ih na različitim poznatim i nepoznatim lokacijama, a među njima i 69 ubijenih koji su sahranjeni u masovnu grobnicu na području Jardana - Grbavac (Berbića mezarje), kao i u primarnu masovnu grobnicu u Šahbegovićima, te drugim dosad neutvrđenim lokacijama, od kojih je primarna grobnica iz Šahbegovića izmješšana tokom 1995/1996. godine u sekundarnu grobnicu na Crni Vrh, tako da su u primarnoj grobnici u Šahbegovićima pronađeni dijelovi 93 ekshumirana tijela od kojih je 5 identifikovano, a u sekundarnoj grobnici na Crnom vrhu, od ukupno 629 pronađenih tijela (481 su bili kompletna tijela a 148 dijelovi tijela) 536 je identifikovano, a od ovih 536 identifikovanih, 422 lica su odvedena na Bijelom Potoku dana 01.06.1992. godine te više nikada nisu viđeni živi od kojih su 308 lica premješšana iz primarnih grobnica na lokaciju Crni Vrh, dok oko 245 odvedenih i ubijenih lica još uvijek nije pronađeno odnosno identifikovano;

Čime je počinio:

krivično djelo „Zločini protiv čovječnosti“ iz člana 172. stav 1. tačka a) (*lišenje druge osobe života (ubistvo)*) u vezi sa članom 29. (saučiniteljstvo) i članom 180. stav 1. Krivičnog zakona BiH.

Tužilac Tužilaštva BiH:
